

Jekkabaara



World Vision

Cikela ceman n'a musoman kunnafoniseben

a be bo kalo o kalo

Jamana baarada la BP: 2043 Bamako (Mali)

Koorifurake tolasebaaraw bë senna CMDT kono

ne 3nan

Dantigélikan

Setanburukalo in tile 22, o ye Mali ka yéremahoronya sankunbendon 42 nan ye. Setanburukalo tile 22, san 1960 - setanburukalo tile 22, san 2002 jamanakuntigi sawura duuru, nka jamankuntigi naani, k'a ta Modibo Keyita la, ka na se Amadu Tumani Ture ma bi. Politikiton caman ani taabolo caman, nka halibi, sègen ni sègenjugu. An dun bë taa min ?

Naniya numan ma kòtige dëre, nka kewale de ye dan ke. Fasokanu ma ke to ye, na dësera min na, nka yurukuyuru ni fasonafolo bolofiladun de ye ko bëe tijé.

Mali dun ka di dëre. Hakilisigi b'an bara yan. Awa, maliden bëe ka wasoko y'a ka malidenya de ye, nëmaa fara komaa kan.

Bi bi in na, a ka kan kewaleba de ka ke jamana nëmaaw fë. O de ye jamadan jamakulu kelen-kelen bëe joyoro waleyali ye faso ka netaa baaraw karabali n'u bilali la sen kan. O kana dan kumamugu gansan ma, nk'o ka bila kewale kadara kono. Abudulayi Bari ye tijé fo dëre : "kumamugu ni naniya numan nöfeko te. Fen kelen de nöfeko don : waleya dantan !"

Tumani Yalam Sidibe



World vision ka kalanden jolenw ka batakiw

ne 8-9nan

KUPUDIMONDI 2006 SAN

Bonkamalenw ta ye jumen ye ?


ne 11nan

Ciklaw ka tonkow tarikuw

ne 10nan

"Kalan bë mogo son hakili la, nka kunnafoni bë mogo bo kunpan na". Yoro Ulen Sidibe

Danni kemetilada waleyakatimu



**Dawuda Mace
Dawa**

I n'a fo an y'a
d a m i n ε
jekabaara boko
temenen kono
cogo min na,
an be taa ne ni
danniw taabolo
katimu ye. Nin
boko in kono,
aw bena kunnafoniw soro no ni
keninge ani kaba ni koori
kemetilada hake dannen de kan

ka se zuluyekalo tile 20 ma san
2002.

Nin kunnafoniw temesiraba y'o
waati kelen sanjhake nalen ye.

klosili : Nin kemetiladaw soro
nininkaliw de senfe. U be
2002/2003 baarasan taabolo
jira. A jatedenw be sementiya
danni kunnafoni dilenw fe, danni
bees bannen ko.

**Dawuda Mace Dawa
CMDT kalandakuntigi Bamako**

CMDT maraw	tile 10 sanjhake		No dannen kemetilida %	Keninge dannen kemetilada %	Kaba dannen kemetilada %	Koori dannen kemetilada
	down	milimetre hake				
Fana	2	37,2	% 54	% 51	% 52	% 69
Buguni	3	17,3	% 114	% 107	% 70	% 88
Sikaso	4	23,7	% 98	% 92	% 90	% 91
Kucala	2	32,3	% 91	% 82	% 82	% 86
San	4	62,1	% 66	% 63	% 77	% 81
Kita	5	112,0	% 72	% 90	% 81	% 91
hake mumé ka se san 2002/7/20		% 76	% 76	% 76	% 84	
Salon waati kelen in-ta hake		% 91	% 87	% 88	% 104	
tari hake bolodalen		334 662	445 643	265 624	491 900	
tari hake waleyalen		254 521	339 557	202 011	412 014	

Poyi : Maaya baju

Cε, n teri, e ma nin don wa ?

Maaya be somono de misali jira
Bajiba kan.

Ni ba y'i da bolo min kan,
Somono b'a mon o bolo de kan.

Maa te ke maa si ye i yere ko
Maaw te maa dogoya

Maaw te maa bonya

Maaw yere te maa kanu

Walima k'a juguya

Maa yere ka kewale ko.

Dije in kono

Doni te maa si kun

A ma min sigi a yere kun.

Sababu man doço

Nka kewale de ye maaya bes ye.

Cogo di maa b'i yere ke
konoñin ye

K'a jini ko maaw k'i nturayamine ?

Cogo di maaw b'i ladon daba fe

Ka soro e yere m'o sira jonjon
di u ma. Nkalon dere.

An ka balo kono

An ka maaw jateminenin dabila
K'an banban an yere jogo kan.

N'o kera

N'o kera de

Sinminden

fara sankemeden kan

Bes b'an ninyoraji sigi.

Bamananw b'a fo o de ma

Ko k'an yere don murubakala la.


Tumani Yalam Sidibe

Hakilisanekeñe

Dije kono, waati jatemen ka nogon
haali. Ke mogogow fe. Ni jama ker'i fe,
ke jama fe. Ni jama ma k'i fe, ke jama
fe. Maa b'i ban maa kelen na ka dije
diyabo. Nka maa ti' ban jama na ka
diye diyabo.



Tumani Yalam Sidibe



Koorifurake tolasebaaraw

An sera Zan Dosayi Jara ma walasa a ka fən fo an ye koorifurake taabolo kan, Setanburukalo kono. I n'a fo boko temenew, a y'an kunben ni kōnōnanjeya ye. Awa, a y'an ka



Zan Dosayi Jara

jininkaliw bëe jaabi a nema. An ye ladilikan minnu soro Karamogo Zan Dosayi Jara da, olu de file nin ye aw koro.

Zan Dosayi Jara :

Sidibe, i ka jininkali diyara n ye. Boko temenew kono, koorifurake taabolo kunnafoni bëe dira n fe. I n'a fo a lajeli ni koorifurake bë ke ni minen minnu ye, n'olu dafalen don; bagasi hake min ka kan ka san furakeli ke, k'o jateminke ; furakeli yere fana ka kan ka ke cogo min na foro kono, fili kana don o la : a ka kan ka ke waati

min na, n'o ye sogomadafé wali-ma wulafé, fiye basigilen don waati min na, ni taafan kelen b'a la. N y'a jira fana ko ni furakeli bë ke, mogow ka kan k'u yere latanga bagagi ma, walasa a kana k'u ma baasi ye, ka kasaara lase u ma. N y'a jira kerékerénneny la fana ko musow ni denmisenninw man kan ka furakeli ke. Furakeli kebagaw y'an ka mogo welelew ye, minnu bëna a kecogo kalan ke. Minnu mana na koorifurake kalanyoro la, olu de ka kan ka t'a waleya foro kono. An dun y'a kolosi ko maa minnu bëna kalan-yoro la furakeli kalan kanma, olu te ke furakeli kebagaw ye. Mogo were bë bila olu nôna. O mogo were caman yere bë soro denmisenninw de ye. Denmisennin dun te ko dòn kosebe. O de kanma, kasaara bë se k'a dòw soro. Awa furakeli fana te k'a kecogo la.

N bëna n sinsin yoro min kan setanburukalo in na, o ye ko ni setanburukalo jora, n'a ye tile 20 soro, ja dɔɔnin bë ke. O waati, maa caman bë farifaga furakeli la. U kana o ke, barisa o waati la, ntumuko barika bëna bonya tugun. An b'a fo ntumu min ma ko ngelennntumunin, ni dòw b'a wele ko kereje, ale de bë juguya o waati. Oo ! N'e dun ma don foro kono, fo k'i to fana fe k'a laje dɔrɔn, i te se k'a ye o waati la. A bë t'i soori koori feere jukorolanin na. Awa, n'o dun ye tijeni fën o fën k'o waati la, o tijeni te se ka noladilan belen. Barisa o b'a soro koorisun sera a ka mo dan na. A te se ka feere were ke tugun, ka den

kura bo, minnu bë bila tijenew no na. O de koson, ciklaw k'u jija ka furakeli k'a kecogo la. N'o waati yere y'a soro an ka sannifeere jolen don, o te baasi ye. N'i ka kan ka furakeli min ke, i bë se lakoliden ma, fura minnu ka kan ka labaara i fe, a bë seben ke ka d'i ma, o furaw bë labo magasa kono k'u d'i ma. Hali ni sannifeere jolen don, o kana mogow ham. I mako bë bagaji fën o fën na, i b'a jini, a bë labo ka d'i ma. An k'a dòn ko ni tijeni fën o fën kera o waati la, o dijeni te se ka dalaben belen. Tijenifén misennin wërew bë yen, an b'a fo dòw ma ngaraganinw, dòw ye dimogo bilenmaninw ye, n'olu keléli furakeli ma ke, olu bë tijeniba don kooriforo kun. U be mana da koori la, n'an k'o ma ko nörönan. O dun b'an ka koori mangoya kofela la de. Ciklaw ka furakeli labanw k'a nema. U kana a fo ko tijeni don. Barisa, n'i m'u ke, u kebaliya bëna ni i bñen ni min ye soro koro la, n'o ye nafolo ye, o ka ca ni musakaw ye i bë min don u waleyali dafé.

Ninnu de tun ye ladilikanw ye n bolo ka lase ciklaw ma. N'u y'u bø a sirafe, soro barika bë bonya. CMDT, olu yere ani Mali jamana bëe bë bø kooribaara kecogo numan nunna.

Ni Ala sonna a ma, boko nata kono, n da bëna se kooribø taabolo ma. Barisa, kooribaara taabolo kelen kelen bëe kecogo jeyoro b'a ne numanyali la.

k'an ben boko nata.

**Zan Dosayi Jara CMDT
nemogoda -Bamako**



Mari Madeleni
Sidibe ka bɔ
Galala I
Komini : Wasulu
Bale
Cikɛkafo :
Yanfolila
Cikɛmara : Buguni
Ne ye senefen minnu sene samiñe
temelen san 2001, olu file :
Tiga : Taari 0,25 seneña
Nakɔ fere : 0,01
baganko siratige kan :
- **ba ye :** 7 ye
- **saga ye :** 3 ye
- **se ye :** 5 ye

Muso nelenin dɔ lakodɔnni

- **kami ye :** 2 ye
Bayeləmali baaraw siratige la, ne
ye, safune kuru 144 dilan. San
temelen
Sunbaladilanko fila
Ne ye soja kilo 7 dilan
Ne bɛ ka tigaforo sene n bolo la
Ne bɛ dème sorɔ ka bɔ n furucɛ
yɔrɔ laburuli ani danni waati.
Tiga bɛ sen cew fe, an musow b'a
kana. Nafa caman bɛ sorɔ tiga
sene la ; dunta bɛ bɔ a la, an b'a to
feere ka denmisew ferebɔ, ka
bagan misenw san k'u mara.
Nafa bɛ sorɔ nakɔsene la.
Min ye bayeləmani baaraw ye, ne

b'olu ke, i na fo : safunedilan ani
sunbala dilan. Nafa bɛ sor'u la ;
nka, anw ka mɔgɔw bɛ nerekolo
sunbala fe ka teme soja sunbala
kan.

Bayeləmani baaraw bɛ an musow
dème kosebe, an ka nafolo makow
la.

Musow ka netaa baarada min bɛ
CMDT la, o bɛ ladilikanw d'anw ma
tuma bɛe an ka nafasorɔsiraw kan.

Mari Madeleni Sidibe ka bɔ Galala
I min bɛ Yanfolila cikɛkafo fe.
A kera Galala, san 2002
zuwenkalo tile 5.



Cikɛlanana dɔ lakodɔnni :
Burama Sidibe
Burama Sidibe ka
bɔ Banjugufara
Yalankoro Soloba Komini la
Cikɛkafo ye Yanfolila ye
Cikɛmara ye Buguni ye
Ne ka cikɛda kunnafoni file :
Cikɛda mɔgɔ ye : 68 ye
dabatala ye : 10 ye
Cikɛminenw suguya n'u hake
dabafin : 5
dababilen : 3
kurucilan : 1
dannikelan : 2
wotoro : 4
koɔriponpelan : 2
Baganw kunnafoni
misi mumɛ ye : 70 ye
cikemisi ye : 10 ye
fali ye : 3 ye
jolomafenw ye : 50 ye

Cikɛlanana dɔ lakodɔnni

Nogɔdinge ni wɛre ŋana bɛ n bolo,
n bɛ Tolinoğɔ dilan u kɔnɔ.
Burumunɔgɔ bɛ don nogɔdinge ni
wɛre ŋana kɔnɔ, Tolinoğɔ dilan
waati.
Tolinoğɔ nɔba bɛ ne ka sorɔ la
kosebe ; ale de bɛ dugukolo mana
don, dugukolo fanga te ban joɔna.
San temelen, ne ye Tolinoğɔ woto
ro ne 400 sorɔ.
Wotoro ne 300 donna koɔriforo
taari 4 la

Sege te falen ne ka foro kɔnɔ, ka
sababu ke Tolinoğɔdon ye.
Damannɔgɔ fana bɛ don senefenw
kɔrɔ ka fara Tolinoğɔ kan. Tolinoğɔ
dilan bɛ ke sababu ye ka do bɔ
senekelà ka nogɔfin tata la.
CMDT cikelakolidenw ka ladilikan,
ne b'olu labato kosebe. Ne b'a
jini cikelaw bɛe fe, u ka ladili
kanw lamɛn, walasa bɛe ka se ka
sorɔba ke, ka dunkafa sabati an
ka jamana kɔnɔ.


Senefenw kunnafoni :	Senefenw	Kene senefen	Sorɔ mumɛ	taari 1 sorɔ
Baganw hake				
• misi = 120	• koɔri	1,5	3 758	2 505
• saga = 20	• tiga	0,5	560	1 120
• ba = 10	• kaba	0,75	3 000	4 000
• kamanfenw = 142	• saŋɔ	-	-	-
	• binbiri	1	1 000	1 000
	• malo	0,5	400	800
	• pini	0,25	100	400

Wotoro ne 100 donna kabaforo
taari 1 la
Dannijoɔna bɛ ke ne fe.
Ne ka danni fanba bɛ ke ka bɔ
mekalo tile 25, ka taa Zuwenkalo
tile 20 na.

Burama Sidibe ka bɔ Banjugufara
min bɛ Yanfolila cikɛkafo fe.
A kera Banjugufara san 2002
zuwenkalo tile 13.

Cikelanjana dɔ lakodɔni Bugunnatige

Təgo ni jamu : Dazeni Kōne
Awe : Zanguna
Dugu : Zanguna



Komini : Kōlonjeba
Cikɛkafo : Kōlonjeba
Cikɛmara : Buguni

II. Cikɛda kunnafoni

- cikɛda mɔgɔ hake : 15
 - dabada hake : 3
 - minenw suguya n'u hake :
 - Sari : 1
 - dabanjana : 1
 - wotoro : 1
 - kɔɔri furakeli ponpe : 1
 - binfagaponpe : 1
 - sɛnɛkemisi : 1
 - fali : 1
- Sɛnɛfenw kunnafoni :
Baganw hake

- misi = 120
- saga = 20
- ba = 10
- kamanmafɛnw = 142
- kɔɔri
- tiga
- kaba
- saŋɔ
- binbiri

III. Cikela ka masala :

Ne ye tilema bɛɛ ke farafinnogɔ dɔnni na k'a ke forow kōno, sanji folɔw nana waati min, ne ye nɔgɔw yereke ka sɔɔrɔ ka foro buluku. O bɛɛ kofe, n ye misiw da forow kōno fɔ ka taa danni waati se.

N'i ko musoya ye mɔnɛ ye hali n'i tun kera ce ye i te mɔnɛ bɔ



O de
koson an
sera muso
nelenin dɔ
ma ka
m a s a l a
n'a ye.

I. A bugunma- tige

Musokura Togola ye gadon-muso ye ka bɔ Namala. Namala ye duguyiriwatɔn ye, Kumantu komini na. U ka cikɛkafo ye Kumantu ye, Buguni cikɛmara kōno.

II. Musokura ka baara kelenw
San o san sagajigi 3 bɛ labalo feere kanma :

b- Selamara

Se feerelen bɛ se 80 ma san kōno.

4° Jago misenniw

A bɛ jɔ ni malo san kofe, k'ufiere, a bɛ kɔgɔ ni nafɛn caman wɛrew feere dugu sugu kōno ani dafe suguw la..

5° Bayɛlɛmali baaraw siratige la

A bɛ safune ani pomatidilan ke a yere ye.

III. Masala, muso nelenin fe

An ka baro kōno, Musokura y'a jira ko baara de bɛ mɔgɔ ka horonya sabati, wa nimisa te baara numan keli la, a caman far'a dɔgɔman kan. O de koson gadonbaaraw kerefe, ale ma sigi, sabu ce ni muso bɛɛ ka kan du ka netaa baaraw la.

Nin baaraw keli nɔgoyara ale bolo k'a sababu ke faamuyali ni deme sɔɔrɔlɔ ye (CMDT fe : n'o ye sene ni nakobaaraw, ani safune ni pomatidilan nɛjirali ye muso kunda, ani juru donni ye

musojekuluw la ka nɛsin baganbalo ni jakomisenninw ma.) O jakomisennin siratige la a bɛ juru ta Kafojigine fana na namala yan.

A ye nafa sɔɔrɔ nin baara kelenw na fo ka se ka jɔ ni du musaka dɔw ye i n'a fo denmusow ka kɔnɔminenw, ferebo ani musaka wɛrew. O bɛɛ kofe, Musokura sera ka warì dɔɔnin mara Kafojigine na min bɛna ke sababu ye ka dɔ bɔ juru talen na.


Ale bɛ min fo a muso nɔgɔnɔw ye : o de ye cesiri ani timinandiya ye.

Nin bɛɛ de koson an ko Musokura Togola kera muso nelenin ye, muso wɛrew bɛ se ka min ladege.

**Kumantu sekiteri kunnafonidi
jekulu Buguni CMDT la**

Moggoya politiki kono.

An bë waati mi na Iko sisan, ko bëe dagunna saan ka faso taabolo siratègè la sanduuru nata kanma. Peresidan kura sigira. Awa depitebulon fana ninmaya-ra. Nka nin këne in tèna boli politikoton barikamako kan walima gôférénamako. N b'a fë ka kuma an ka jigelamaa sugandilenw ka tèmésira de kan. Maa ko bëe b'i kumakan de bolo. An k'a ke



cogo bëe la, walasa an ye lahidu min ta fasojama ye, jöyoro jinini senfë, an k'o bo a sirafe. O dun tè dowerë ye u ka nafasorosariyaw sankorotali kò, faso bulonba in kono. Ka faso ka nafasira yanga i yérekun kelen-pe ta sanfë. O de ka kan ka k'an ka depite kelen-kelen bëe kali-kan ye.

An ka depitew k'a dòn ko faso Mali in mako bë maaw de la bi minnu bë hinë a la. U k'a dòn ko maa kelen ka soro ye nafa don a kun cogo o cogo, dësébaato sere cero, o soro togo ye ko don dò makarifén. San 42 yéremahoronya kono, kasoro halibi jigelafen kelen tè. O man kan dëre. An b'a jinii an ka dep-

tew tè, u kana bulonbako k'u yere ka maaya beremafen ye. Nk'u k'a dòn ko ko bëe bë dafali de jini an ka jamana in kono : kalanko ; baloko ; kénéyako... ninnu bëe ye tokajefenw y'an ka jamanaba in kono. Bëe ko k'an ka soro banbannen bë cikelaw ni baganmaralaw kan. Nka wale wëre si ma k'o la kumamugu kò. An dun bë taa min ? Aa ! politikimaaw, an k'a ke cogo bëe la sa ka maa fanba nkalontigiya, olu min banbannen b'a kan ko politiki tè dowerë ye ñanamuñjanamu ni kalanbanciya taabolo kò.

Politiki tè nkalon ye dëre. Dijë koba bëe n'a ka politiki taasiradon. Maa min bë politiki ke, o de ka kewale bë danaya walima danayabaliya sawura d'a kan. An bëe k'a dòn bi, ko Maliko in y'an bëe ka "mori ni dijewuliko de ye" A fò mori min man'a fò ko dijë bëna wuli sooni, a bë fò ale yere n'a ka seliwolo kò de !

Anw malidenw dun ninyorofen kelenpe min bë yen, o ye Mali yere de ye. Ni maliko sankorotara, anw bë sankorota. An dun k'a dòn ko jamanako tè tileko ye. Badaabadaako de don. Bëe b'i ta ke ka taa k'i tògo n'i ka kewale de to i k'o jamana kono. O kanma, an k'an tògo makaran, ka sinijësigi wale bërebëre bila an bënsowu ne. N'o kéra olu fana kunnawololen b'an ka nafa kafolenw tònobò an kò, barissa maa si tèna negin a la u bolo ko : "Cé ! Nin nafolo in wa, an benbwak a wosiji lagosilen de tè u fa juguw bolo wa !"

Tumani Yalam Sidibe

U ko

Ni Ala banna mogo minnu ka fakelen, bakelenya ma, a bë aw je furuke kelen na. N'o kéra, den minnu bë bo aw la, olu bë ke nögón dòw ye. Joli de ka surun ka temé sinji kan.

Mariyamu Kuyate
arajo jekafò Bamako

An bëe ye kelen ye, o ye cew ni nögón-ce - dugukono kumaw ye. Nontë n'i y'u danma bila kungo kono, sigat'a la, dò bë to n'a na kofò dò ye ni majigin ye.

Arajo "Libérite"
animateri dò (donsow ka kari-
don këne kan).

"woyikanba !" o ye muso lagerennen kan ye. Nk'a yëro man jan ce jigelatigelen fana na dëre. An t'a si file. Maa bë dijë fan min fë, i b'o de lako ke.

Namori Sidi Kamara
ka bë Bla

Muso-kolon-den ye warasogo minëbali ye. Cé-kolon-den de ye ntori ye taabolo were tè min na bala-ka-nëgëneke kò.

Dijë kono, maaw de bë nögón segen gansan, nontë bëe ka ko b'i bangebagaw bolo.

Burulayi Sidibe
Ka bë Gëro (Briko Kita)

An k'an yere tanga Sida ma

Maa be ko o ko la, n'i fari-kolo keneman don, i b'o ko diyabo. Ni sijan be mone bo, a kecogo numan de ko don dere. Nonte, maa be saya nege minne sijan min kono, o koni nognon fen man go te. O kanma maa k'a don ko fen t'i farikolo la. O dun te se ka ke ni yeresegesegé ma sira soro bee lajelen yoro. Ka wuli i yereka ka yeresegesegé yoro ségeré. Ka t'i joli laje. Mun ko kelenpe ka di k'o bo sa ? O fen te yen, barisa, a kuncera bolo o bolo kan, daamuko don.

- **Folo :** Sida t'i la ! O nisondiya be kene kan min b'an muguri ; k'an bila nisondiya pankapuruti la. An b'a don sa k'aw ka kan ka ke

yereminébagaw ni yerekobibagaw fe, walasa Sida kana an soro, kuma te k'an ka denbaya ke k'a soro anw sababu la.

Filan : Sida banakise yera i joli la ! O te jigilatigeko ye, barisa a b'a to i b'i yere ka dijenatige taabolo kolsi, walasa Sida kana dandakariyoro soro i la joona ; walasa maa tow kana Sida lasoro i ka sirafe.

Maa man kan ka siran taali la i mansurunna dogotoroso la, walasa ka t'i farilako sifile. Sida yere bolen ko yen, a be ke sababu ye, i k'a don bana were minnu kun be i kan, walima i k'a don k'i be gojogojotigilamogow fe kenyako la. An be dije waati min na bi, ko si kufeko te

maa nafa, kuma te adamadenya yere taabolo ma. An k'an yere don ani k'an ka kenyaka lakow don. O b'a to an b'an ka dijenatige lakow don, k'a diyabo, a kuntaala surun fara a kuntaalajan kan.

Sida ma ni dere, fenjuguba don. Banajuguba. Nka kenyerefle tigilamaaw de fana be dankari a la.

Tumani Yalam Sidibe

Kabako dere !

Ji-kono - bama n'a ka sekotigiyia bee, a te se k'a nen labo a da kono dere, i n'a fo adamadenw, i n'a fo yere sagaw !

"Les Echos" kunnafonisben

n° 1957

Sinekunya kene Nin kera sinefóke do n'a denw ye.

Ninan san 2002, farafinna nognunkunbenba min kera an fe Mali kono yan ntolatan hukumu kono, Afiriki-disidi ni Mali ye nognon soro kayi Mokoro sisoko togola ntolatankene kan. O don, sinefóke y'a ka telewison dayele jonna ka kono ntolaci ne. A n'a denw sigilen be telewison koro tuma min, ntolatan daminen. U tora ka ntolatannaw laje k'u laje. Mali ntolatannaw ni Afiriki-disidi taw tora ka nognon nekortige ni ntola ye. Waati dow la, Afiriki-disidi ntolatannaw be Mali ntolatannaw ka Celu kolsibaga bo a ja kan tuma dow la. U tora o cogo la, maaw hakili te ko la tuma min na, Basala Ture ye Mali Kunkorta ni bi folo ye. O nisondiya fe, Sinefóke y'a ka telewison anteni golon, fo a denkekora y'o latilen. Sanga damado o ko, Abudaramani Kulubali, n'u ko sifo, ale ye Afiriki-Disidi ntolatannaw fara nognon kan fan kelen fe, k'a kunda u ka celu kolsibaga kan. Sann'a k'o bi don, sinefóke sigilen y'i kanto ko : Mali bena bi don ! K'a t'o la ka n'a bolo ke k'a ka telewison neci poyo ! A y'i kanto a denw ma ko : A ye wuli ka taa aw da, Mali ye se soro fo ka telewison neci ni n bolo ye.

O tuma n balimaw, sinefóke ka telewisonko koni dabilala nin cogoya la. Ale n'a denw taara telewison laje maa were ka so fo ka taa n tolatan ban.

O tuma, n'b'a nini sinefow fe, u ka nakofenw mana feere, u ka telewison san ka di u balimake ma. Nonte jenafin bena a musow n'a denw segen kosebe.


Meleké Lamini Nafan
ka bo Tomina Kataana kucala kubeda
Konsengela komini na.

O temenen ko, Meleké Lamini Nafan, Jekabaara sebennekulu b'i ladonniya ko fili foyi te i ka sebeni fan si la. An be min nini i fe, n'i be seben were bila ka na nin ko, i b'i jija k'i ja do ci an ma. An b'a don jekabaara kunnafonisben kono, i n'a fo i be tow ta ye cogo min na.

Kunnafoñi ka bɔ ncereso yangaso komini na.

NDaramani Tarawale nisondiyalen be nin bataki ci jekabaara nemaayaso la. Ncereso ye dugu ye min be yangaso komini fe, a ni yen ce ye kilometere 2 ye worodugyanfan fe. A ni siyen Marakala be danbo tilebinyanfan fe, noloso be a ni kɔrɔnyanfan ce, sofolo so sigilen be a ni keñeka ce.

Anw ni world vision ye baaranogɔnya damine kabini san 1995. World vision ko anw ka dugumaaw ka maa kelen bɔ min be taa karamogɔya



Ka bɔ woloni

Ka bɔ Modibo Danbele yɔrɔ woloni, Fani komini na. Ne Modibo Danbele nisondiyalen be nin bataki ci jekabaara nemaayaso la ka n ka kunnafoñi da a tulo kan. kerènkerènneny la, anw ni world vision ka baaranogɔnya kunnafoñi.

Anw ye karamogɔyakalan min ke world vision ka yamaruya kono, o kera fen ye anw ma dan foyi sɔrɔ min na. Ka d'a kan, a kera Sababu numan ye anw bɔ lajelen ma. Nka halibi, n b'a nini World vision fe a ka barika don a ka balikukalanko la ka taa a fe. Anw ka karamogɔkalan senfe, world vision y'an deme ni gafew ni farasu ye, ka tila ka balo d'an ma. O hukumu kono, ne Modibo Danbele be foli ni barikada ke ka nesin world vision baarakela ce ni Muso bɔ lajelen ma. Sabu an ye karamogɔkalan min ke a taabolo nena kosebe. ka d'a kan, kalandenw bɔ ye faamuya sɔrɔ kalan in senfe, sabu an be don min na i n'a fo bi, anw ye nafa caman sɔrɔ world vision ka balikukalanko la. Ka d'a kan anw be se k'an hakilinaw bɔ seben an ka kan na. O temenen ko, world vision ye deme don anw ka dugu musow ma n'u degeli ye safunedilan na. U b'o

kalan ke. O hukumu kono, anw ka dugu ye ne bila ka taa kalanyɔrɔ in na Bila dugu kono n'o ye an ka sekiteri ye. O kalan daminena nowanburukalo tile 13, san 1995, Kalan in bannen, ne nana kalan damine an ka dugu kono ni kalanden 29 ye, ce duuru ani Muso 24. O kalan daminena Desanburukalo tile 9, san 1995. World vision ye kalankeminew di san 1997, dugu ye kalanso jo siman na, World vision y'a nañɔ fanba bɔ, dugumaaw ye dɔɔnin bɔ ka fara a farikololabaara kan. O temenen ko, world vision ye anw deme yiriwali-baara caman na, i n'a fo safunedilan, denw peseli n'a nɔgɔnnaw. Nka halibi, n b'a nini world vision fe a k'an deme ni baarakeminew ye, walasa an ka taama be nɔgɔya an bolo fɔrimasonw waatiw la.

N be foli ke ka nesin world vision nemaaw ma Bamako fo Koro. N be jekabaara nemaayaso baarakelaw bɔ lajelen fo, faamuyaliko numan aw k'o sɔrɔ nin bataki in na


A denke n'a balimake kan don.

Daramani Tarawale
World vision balikukalankaramogɔ Ncereso

dilan k'o n'e kosebe. Nka hali bi, an b'a nini world vision fe a ka do fara a ka balikukalanko taabolo kan walasa anw be se ka dɔnniya caman sɔrɔ ka jamana yiriwali-baara ke, sɔrɔw ka sabati.

Kunnafoñi kuncé la, n be wolonika ce ni musow bɔ lajelen fo. kerènkerènneny la, woloni balikukalanden ce ni muso bɔ.

Modibo Danbele
ka bɔ woloni



Ka bo Bugura

Bugura ye dugu ye min bë Yangaso mara la. A ni yen ce ye kilomètère 12 ye woroduguyanfan fe. Bugura sigilen bë k'a ténkun falakènè belebele la min kéné bonya bë se taari kème fila nögónna ma. Wa malo bë séné a la san kalo tan ni fila kono. Fala in baara bëe lajelen bë nénabò CMDT fe n'o y'a nögoko n'a jisongoko ye. Nin tun ye kunnafoni damado ye ka nesin an ka dugu ma. O téménen kô, n bë kuma dëmebaa numan ka

waleya kelen dòw kan minnu kéra sababu ye ka ne ka hadamadenya sinsin dijésosigi kuntaala surunnin in kono n'o ye World Vision ye.

Ne Eceni Kulubali nisondiyalen bë nin bataki sèben k'a ci Jekabaara nemaayaso la Bamako.

Ne ye balikukalan ke Ala ni World Vision sababu la. Ne ye sénékela ye, nka ni tilema bora n bë jiribaara ke n'o ye meninsiyeya ye. O baara siratigé la, ne ye faamuya soro fén caman na. O sababu

numan bora World Wision yoro. Mali kunnafoni ni jamana werew kibaru ne bë olu soro World Vision sabu la. A ye baara werew ke Bugura dugu kono i n'a fo makasan jo, lakolisojo, nakobaara sinsin ani k'a ferew tige. World Vision ka baara ka di ne ye kosebè barisa ne ma foyi y'u taabolo la min ma ne diya. O la sa ne bë dugawu ke, ko Ala ka World Vision dëme halibi ka netaa d'a ma.

Eceni Kulubali ka bo Bugura

Ka bo Ncereso

NWorokiya Danbele nisondiyalen bë nin bataki ci jekabaara nemaayaso la Bamako. Anw fe Ncereso yan, anw ye balikukalan daminé san 1997, "World vision" ka yamaruya kono. K'a ta o waati la ka na se bi ma, gelyaya bë anw kan balikukalanko la. Ka d'a kan, kalan te taa minen minnu kô, o fan si te anw bolo. O munenw te dowerew ye : Lanpan, walomba, sigilanw, ani tabaliw kô. N ka nin gelyaya

kofolenw n'a ta bëe, an bë don minna i n'a fo bi, balikukalanko hukumu kono, an bë ko caman nénabò an yére ye ka soro an ma wuli ka se maa weré ma. O sababu bora "world vision" min na, hali bi an b'a nin'a fe a k'an dëme ni kalankeminew ye walasa baara tò bëe lajelen bë nögoya an bolo ka t'a fe. O téménen kô, n b'a jini "World vision" fe a k'an dëme nafasorsira werew fe minnu ni balikukalan te kelen ye. I n'a fo : safunedilan,

galandon, musow ka jurumisenninko n'a nögónna caman werew. Kunnafoni kuncé la, n bë foli ni walejumandon ke ka taa jekabaara kunnafonisèben baarakelaw bëe ma. Ka d'a kan, olu de bë ke sababu ye k'an bo dibi la ni kibaruyaw dili y'an ma an ka kanw na jamana kono an'a kókan. O tuma, Ala k'u dëme u ka baara la.

Worokiya Danbele ka bo Ncereso Yangaso mara la.

Ntoso ye nafa soro World vision ka jéngonya la

Ne Musa Danbele nisondiyalen bë nin bataki in ci jekabaara nemaayaso la Bamako. Anw ka dugu ye Ntoso, ye. A bë Yangaso mara la. A ni yen ce man jan kosebè. Baara bë ntoso, sèbe bë Ntoso, bën ni nögónfaamu ani kelenya bë ntoso. O siratigé la, anw ni "world vision" kéra baaranögón ye. O baaranögónya hukumu kono, "World Vision" ye dëme fòlò min lase anw ka dugu kono, o kéra balikukalan ye. O

kalanko kéra sababu ye ka nafa caman ladon anw ka dugu kono. Ne yére min ye an ka dugu balikukalanden jolen dò ye, ne ye nafa caman soro kalan in na. O hukumu kono, n bë se k'a fo ko "World Vision" ka baara taabolo ka ni. Ka d'a kan, a ye yiriwalibaara caman waleya anw fe ntoso yan, i n'a fo saniya ni kénéya sabatili, ji saniyalenko ani dumuni saniyalen dilancogo, ka fara dugukónona yére saniyali walew kan. Ka d'a kan,

anw ka dugukónona bë furan k'a je siye 4 kalo kono muso 42 nögónna bë soro min kéné kan. Nka halibi, an b'a jini "World vision" fe, a k'an dëme kosebè. Ka d'a kan, dugu ka netaa te sabati abada ni saniya ni kénéya sabatiliwalew ma matarafa. O téménen kô, an bë jekabaara sebennikelaw ladonniya k'u bë baara min na u ni "World Vision" ce bolodinögónmabaara siratigé la k'u ka kunnafoniw jensen. Mali

A tò bë ne 10 kan

be ne 9 to

kono an'a ko kan, o kera fen ye min y'a to "World Vision" baarakelogo cew ni musow be lajelen ka a ka laniniw ni a kuntilennaw don. O siratige la, an be don min na i n'a fo bi, dugu o dugu ni "World Vision" be baara ke nogon fe, n'u

be jekabaara kunnafonisben kalan, maa te "World Vision" ka laniniw n'a ka kuntilennaw nefo o tigilamaa si ye tugun. O siratige la, an be jekabaara kunnafonisben nemaayaso baarakela be fo. O temenen ko, n be "World Vision" baarakela be fo, kerenkerenne-


nya la, an karamogo Piyeri Sayi. Ka d'a kan "nunu te sanfela soro jurukise ko".

Musa Danbele
"World vision" ka
balikukalanden jolen ka bo
Ntoso seribugu

Ciklaw labenni ka ke ton lakodonnen ye : koorisenetonw bangera Fana cikemara kono

Duguyiriwaton k'an b'u fo kooriseneton i bisimila

Kabini 1974, CMDT ye ciklaw labenni damine k'u ke duguyiriwaton ye. O la, duguyiriwaton do lo kera Tontanbugu ye n'o be Fana cikemara kono bi bi in na.



Yusuf Jime Sidibe
Fana cikemara kalanfa

An be yoro min na i ko bi, CMDT maraw kono duguyiriwaton be taa fo ba yirika la. O la, aw ni anw be lajelen ka kan ka foli kerenkeren lase anw fa, n'anw moké Misiyeli

Dawu ma ; a be segenlafinje bo la Fana bi. Ale de kera duguyiriwaton hakilinan tabaga folo ye ani k'a sifile. Ba Misiyeli hali bi, an b'i fo, k'i walenumandon, ala k'i mesen an koro.

Duguyiriwaton y'u ka nenanmaya ke, u ye baara caman ke, dugu caman bora nogon la. Dow ye dogotorosow ni muso jigsaw jo. Dow yere ye sirabaw dilan, ka duguw bila nogon ma.

Nka mogow yelemana, duguyiriwaton mogo folow bolen ko yen, minnu nana baara yelemana olu bolo. Geleyaw caman boro k'i jo duguyiriwaton kono. Olu geleyaw la, an be se ka foroba wari dunni fo dugu mogo kologelen dow fe. Kele cayara tonw kono. Ciklaw caman ye nogon wele sariyaso la. Duguyiriwaton geleya do werre ye jurujuguta ye, ani nidongo juru. A nana ke sa, n'i ma juru ta i t'i ka koori wari soro. Cikela numanw kera jurujugalaw ye ; bawo koorisorlaw ka wari be ke ka dokebaliw ka juru sara.

Mogow fari fagarabaara ma. Nin wale ninnu be kera sababu ye ka geleyaw koresiyen, ka balawu bange.

Don min an fa Misiyeli be duguyiriwatonko hakila ta, mogow ye kow lateme sira werew fe, minnu ni a hakilinan te kelen ye.

Hakilijababo kono geleyaw kan, CMDT ye ciklaw n'u lafasatonw wele, walasa ka fura soro geleya ninnu la.

O tonsigi kera CMDT mara be la, wa ciklaw n'u ka lafasatonw be tun be yen. O tonw tun ye siwaki, sikou, ani siyanburu dagirikilitiri ye. O tonsigi kono tun ye mun ye ? Mogow y'u hakilijagabo nininkali saba kan ?

1 - A folo : laben kura jum'en ka kan ka sigi walasa tonw ka ke ton lakila, ani lakodonnen ye, ka keje ni Mali sariya ye ?

2. filanan : o tonw kono sariyaw n'u labencogow duguw, Komini ani kafow kono.

3. sabanan : juru jigiya be ke cogodi ? Nin nininkali be jaabira CMDT mara wooc be kono.

Maraw kono hakili jagabo bannen ko, mara wooc be ye nogon soro Sikaso, ka nininkali ninnu jaabi.

Sikaso tonsigi kera seneké mininsiriso ka nemogoya kono.

Yusuf Jime Sidibe
Fana cikemara kalanfa

KUPUDIMONDI 2006 SAN

Bɔnkamalenw ta ye jumən ye ?

San 2002 ntolatanko seliba fila kera. Afiriki kupu nənajew kera Mali kono, kupudimondi gitanw tilara Japon ni Kore ce. An bə don min na i ko bi, kupu misenw kerefe ntolatanko nənabəbaga bəe nəsinne don san

da. Nənaw dama de ka kəne tun don.

San 2002 nənajew y'a jira ko bəe dama ka kan a ko la. Bisigi tənbaw yəre de kera a ko duguma-sara cəbagaw ye. Folo kera Faransi jamana ye, ale min tun

waanəya ye.

Afiriki di Sidi n'a ka kiseya, dusu ani a barika taara.

Tinizi, ntolatan ye laada ye olu bolo, ale ye maaw jigifa siŋe caman fadenya kənəw kan.


Zapon ni Kore kənə kan, ninnu si m'u bilaminen fa. U bəe kera u təgo koro ja dama de ye.

Senegali jamana ye maaw daba li ban, ka u kanubagaw ninsəndiya, ka Afiriki kunnawolo. Elhaji Jufu, Feridinan Koli, Kalilu Fadiga n'a jələngənw ye kupudimondila taa faamucogo wəre bange. Nin lahalayaw bəe faralen nəgən kan, mögo bə se k'a fo ko kupudimondi nata kənə lasoroli se bə bɔnkamalenw ye. Bawo, ani Farafinna cəbow y'a saran Afiriki kupuba nənajew senfə yan an yərew bara. Basigi ni kənəbaw kan nənaje kəcogə numan dənniya ntanya de kera sababu jugu ye bɔnkamalenw cədenw na.

N'o tə, Seyidu Keyita, Basala Ture, Fuseni Jawara, Dawidi Kulubali, Mamadu Bagayoko... ninnu y'a jira ko ntolatanna təw tə u ni foyi ce. Waane ləkodənnənbaw t'an ka cədenw cəro i n'a fo Okosa (Nizeriya). Agaowa, Njefi, Nboma, Etofisi (Kameruni), Asamu Osamu (Ezipiti).

Nka Afiriki kupu nənajew senfə, u ma kə mögo si ka namugula sogo ye. Afiriki kupu ni kupudimondi nata lasoroli jigiya ka kan ka sigi an tə bawo cəden waane b'an ka cədenw cəro minnu bə ka mən suguya bəe tige Farajéla tənbaw ka kənəw kan. San 2004 ni san 2006 nənajeba nataw kama, an k'an ka cədenw lamo, labən sabatienw kə walasa a ka latige. An k'an ban ban.

Bakari Sangare



Mali cədenw ni labən ka kan walasa u ka ye
San 2004 ni san 2006 kənəw kan

2004 ni san 2006 gintan nataw ma. Dogoya tə kəle sa, dusuntanya de ka jugu. I n'a fo tow, Malidenw fana sago ye an ka cəbow ka ye diŋe ntolatan kənəba fila ninnu kan. Bɔnkamalenw ta ye jumən ye nənajeba kofolen nata ninnu na ? Ni taasibila kera Kupudimondi temənen kan ; kolosili b'a jira ko kononafilliko caman bora diŋe kənəbaw lasoroli la. Bi-bi in na, ntolatan kəcogow n'u kuncəcogow b'a jira ko bisigi tənbako tile binna. Kunu an koro, n'a tun fora ko Kupudimondi, anw tun mjiri bə da kabakow folo de kan. O ko, an b'a fo k'o ye "waraba" ko ye. A kənə ntola tanta, a ntolatannaw, a filiajolan a feere, an bolo nin si tun nəgon ma

taara a kupu talen latangali kama ka segin n'a ye. Angilew, Itali, Arizantini ; jamanaw ka laada wuli-la, bawo san caman ka kon 2002 san nə, mögo tun tə sigi n'olu binni ye nənaje kun folow la. Ntolatan jamanaba minnu ma bo u kanubagaw jigi koro o dan kera Aliman jamana ni Berezili jamana ye. Jamana duuru tarə farafinna ka wele jaabi Zapon ani Kore jamana kono. K'a bo Senegali jamana na, o tow ka kənəkan taa kera jigitte dan ye.

Kameruni jamana taare n'a ka taako təmsnenw mandiya ye, ani Afiriki kupu tigiya təgo.

Nizeriya jamana, ale donnən kordən n'a ka kiseya n'a ka

Nsiirin

N y'a ta k'a da nin na

Nin kera badenma ce fila ye, dögöké ni köröké. Nin ce fila ye minenw siri ka tungafetaasira miné, k'u be taa nafolo nini. U selen u seyoro la, u ye jatigila fölo min miné, o maaw y'u bisimila kosebe. Ka ji ni dumuni d'u ma. U lafiyen bölen, jatigiké y'u nininka ko : "Aw b'a fe ka mun baara ke ?" U ye jatigiké jaabi, k'u b'a fe ka najege nini. Jatigiké y'u nininka, ko : "aw ni marifa nana ?" U ko marifa b'u bolo. N balimaw, nin ce fila ninnu y'u ka baara damine donsoya la, ka könöfaga damine, k'u t'o la ka na don sogow la k'o ke fagali ye kosebe. U tora ten fo ka u fa n'u ba bëe faatu, u ma segin so o si la. N balimaw, bangebagako te fen dögommannin ye. Nka nin ce fila tora yen fo ka se waati jan ma. K'u to o ninikoju-guya la yen, don nana geleya u ma fo ka t'a fo k'a geleýara. Don do la, dögöké y'a sigi k'a suma suu, k'i kanto a köröké ma ko : "N körö, ne be taa so sene na, ka d'a kan foyi te sene bo, ale de fölola, wa ale de be laban". Köröké ye dugawu don a ye ka sira d'a ma. O kelen, o y'u ka dugu sira miné. A selen yen, a ye foro belebele jiri tige, k'a sigi ka samiye makönö. Samiye selen, a ye senefen caman sene : malo, fini, sajo ani keninke. O san fölo, baganw y'a ka suman bëe lajelen tige, ka d'a kan foro mumé suman ma teme seegi kelen kan. Nka o bëe n'a ta, a ma bagan gosi, a ma bagan faga. N balimaw, n'an ko baganw, sokönöbaganw ko te, an kan be kungokönöbaganw de ma. O sannayelema, a ye sene ke tugun, kungofenw y'o fana tige, a ma fen fo o si la. A ye sene ke fo ka se san 10 nogonna ma, kungofenw b'a bëe tige. A tora o cogo la, fo Ala ye nafolo muguba nogoya ce in ye, o kera nafololo dan ye. A ye misiw, sagaw, baw, sew, faliw ani sow caman san ka

werew jo fan bëe fe. Ala y'i to a ka sebaaya la k'a son nin nafoloba la. A ye muso kelen furu, ka den fila soro o fe, ce ni muso. A tora ten, ce in ma den werew soro muso in fe nin den fila ko. Denko hami koson a ye muso furu fo ka se tan ma. Nka o bëe n'a ta, Ala ma denko nogoya muso 9 in si ye. Ce tora ten, fo Ala ka wele sera a ma, a faatura ka nafoloba in n'a musow to so kono. Muso ninnu ye firiya ke k'a ban, u ye ci bila u ce köröké ma k'o ka na walasa nafolo kana tige. N balimaw, o fana y'a soro döröme te köröké bolo fo jönke kelen ko. Ci sera tuma min na, köröké wulila k'u ka dugu segeré. A selen yen, u ye baganw ni nafolomugu kunnaya (dannatige) bo a ye.

Kunnayabo bannen, köröké y'a sigi fenw kunna, muso tan in bëe lajelen tora ce köröké bolo. N balimaw, jaa o ma ben ce köröké ka jönke ma cogoya si la. N balimaw, jönke bëna mun k'a dimibösira ye ?

Den kelen min tora sabagato kofe, a b'a fe k'o ni ce bila nogon na. A ko ni köröké m'a dögöké den kelen faga, a muso tan in si te den soro. A y'o fo tuma min, köröké y'a jaabi ko : "n be den in faga k'a ye mun ke n na ?" Jönke k'o man gelen, i b'a bila baara do la a fanga te se ka min ke. N'a desera o la, o n'a fagakun bo. Ce y'a ka jönke jaabi, ko : "i ye nin min fo nin ye, o ye tige ye". O kelen, u ye finikise ni cencen nagami nogon na ka d'a ma k'a k'u bo nogonna sanni dugu ka je. N balimaw, an ka kumadonsow b'a fu ka kuma do la ko : "Segen ko ye here ye". Dugumene minnu tun be sene kela ka sumanw tige foro kono, olu nana don cénin jigi körö ka cencen ni finikise bëe bo nogon na sanni dugu ka je, k'u bëe ton u danma. Dugu jelen, u taara cénin laje, u y'a soro a ye fen ninnu bëe bo nogon na. O kelen, u kabakoyara kosebe. Nka halibi, n bal-

maw kumadonsow b'a fu ka kuma do la tugun, ko "Maa min be ko bëe ke a jugu ye, a do t'o fa abada". U ye feere were boloda cénin kanma. U ye malosi d'a ma k'a k'o sidon ka ban tile kelen. O kelen, cénin taara a sigi k'a ke kasi ye, k'a t'o la, lëkuluba bora ka na cénin nininka, ko : "i be kasi mun na ?" A ye u jaabi ko : n fa ye malosi di n ma ko n k'o sidon k'o ban tile kelen, ne dun te se malosidon na". Lëkuluw ko cénin ma ko : "i sigi anw b'a laje". Olu ye maloforo mumé buluku k'a ban pewu. N balimaw halibi, u ma fara cénin na, ka d'a kan, u ye fagacogoya were nini a la. Malo selen, u ko cénin ka taa malo in bëe tige k'a dan tile kelen. O fölen, cénin könöna fililen tora, a taar'a sigi foro kono k'a ke kasi ye, ka d'a kan, n'a desera baara fen o fen na a be faga. Ale dun t'a don a be kisi nin ko in na cogo min na. A b'o sigi la, köninew bora tu kono fan bëe ka na cénin nininka, a y'a kasikun fo u ye. Olu ko k'a k'a neji ce.

N balima Jekabaara kalanbagaw, aw be nsiirin in to soro an ka boko nataw kono.

**Yakuba Kone ko Alibela
Mölibolila Sikaso CMDT**

Jekabaara
Labolikuntigi ni Sébenjekulu kuntigi
Tumani Yalam Sidibe
Sébenjekulu
Yusufu Fane
Bakari Sangare
Usumani N Tarawele (CMDT)
Tumani Yalam Sidibe
Déménögónw
Fanta Kulubali
Idirisa Setigi Sako
Bonifasi Danbele
Négenw këbaga
Yakuba Jara ko Kayi
Labenbaga ordinateri la
Worokiyatu So
Baaraké nogonw
CMDT-World Wision-
Ofisi Nizeri-Ofisi iri-OHVN
Hake bôta 11000
Batakisira 2043
Négejurusira 29 62 89
Jamana baarada-Séki zayedti togola
sira-Hamudalayi kin -Bamako